

四庫全書

集部

欽定四庫全書

集部

文苑英華卷八百十八至  
二十

詳校官監察御史臣沈孫璉

助教臣常循覆勘

總校官進士臣朱 鈔

校對官助教臣黃昌祺

謄錄監生臣孫國鑑

欽定四庫全書

文苑英華卷八百十八

宋 李昉等 編

釋氏二

院下

常州建安寺止觀院記一首

廬山黃石巖院記一首

佛像上

利州北題佛龕記一首

福州南澗寺上方石像記一首

移佛記一首

再修成都府大聖慈寺金銅普賢菩薩記一首

繡西方大慈大悲阿彌陀佛記一首

畫千手千眼大悲菩薩記一首

夔州始興寺移鐵像記一首

院下

常州建安寺止觀院記

梁肅

沙門釋法顯啓精廬于建安寺西北隅與比丘衆勸請  
天台湛然大師轉法輪于其間尊天台之道以導後學  
故署其堂曰止觀初南嶽祖師受於惠文禪師以授智  
者大師於是乎有止觀法門大旨止謂之定觀謂之惠

演是二德

集作法

攝持萬行自凡夫妄想訖諸佛智地以

契經微言括其源流正其所歸圓解然後能圓修圓修  
然後能圓證此其畧也自智者五葉傳至今大師當像  
法之中誕敷其教使在家之徒撥邪反正如天雲降雨

無草木不潤升其堂者甚衆其後進入室不十數人法  
顯與居一焉予以為法門有三觀遂徵之此堂蓋非緣  
不成空也有之以為利假也不廣不狹不奢不陋中也  
又以淨名之喻宮室謂於虛空然集有不能成隨其心  
後字淨則一切境淨作一物而觀者獲數善焉又況我大師  
居之為斯人之庇乎小子忝遊師門故不敢不志時大  
曆九年冬十一月日記

廬山黃石巖

文粹有  
禪字

院記

劉軻

古老有言曰太極之氣積而為

二字一作  
作成

山岳洩而

一無  
而字

為

川瀆然則匡阜之氣

一作  
境

其大也

一作  
者

乎庚辰歲山容

劉軻採拾恠異自麓至頂却下半里餘次于黃石巖巖

中有棲禪子不知其幾許臘而壞行峻節人事難能僕

高其人而信宿忘返

一無此  
十八字

乃及

一作  
及

賸其輕重頗見其

宅心之地乃問其住年但手指松桂云初

一無  
此字

毫髮我

植今環人臂為飛兔走吾復何齒矧卯戌之昏旦霜炎

之凍灰

廬山記拾  
遺作矣

生落之榮悴去留之沿沂雖云云

一作

之非自彼而於我蔑如也於戲向非巖房峭絕僧行孤峙

則人境兩失故文粹無此字一本作固其宜也復何言哉觀夫煙

雲生於一作雜乎履舄風嵐出一作嵐於襟袖羣形浩擾倣

併一作入人或作眸子每至煙雨初霽山光澄練泠泠仙語

如在耳右况又聳凌兢上冥冥安一作焉知不能與洪涯

一作崖接袂浮丘連駕盈縮造化吐納顛氣絕慙容於厚

面遠喧卑於腥一作之臊穢乎何不得然四字一作不蓋鈎

也餌也名為利鈎利為名餌吞鈎食餌手足羈鎖彼安

馬一作得跳躍於此乎是知夫禪僧心去桎梏一作夫禪

梏四支宣展動與雲無心靜將石何機物我一致端邪

徑塞僕所謂非斯人不能住斯境也禪師宜春人俗姓  
劉名常進時人以師久住遂以其姓易其巖名也一作云

### 佛像上

利州北題佛龕記

蘇頌

禮部尚書兼益州大都督府長史使持節劍南安南一作

按節度諸軍州事許國公蘇頌敬造因寓言曰吾見夫

山連岷嶓水合江沱山兮水兮路窮嶮鬱南望兮此

一作

北情多吾又見像法住世于巖之阿百千萬億兮相觀

我載琢載追兮吾匪他伊古昔兮焦呂

擬作

不懼必忠

信兮艱危若何故吾因空而即有孰不迴向以檀那行  
矣此陽景頽兮翠改色陰風起兮自增波

福州南澗寺上方石像記

歐陽詹

萬物闐闐各由襲沿無襲無沿而忽以然苟非妖恠實  
為珍慶斯石像者其珍慶歟始孕靈韞質朕兆未見則

峩峩巨石巖峭山立鎮郡城之前阜壓蓮宮之上界海

若鞭而莫動天將泐而終固皇唐天寶八年五月六日

清晝忽騰雲傍

集作旁

湧驟雨來集驚颺環駭軒

文粹作旬

杳冥雄雄者雷駑然中震迸火噴

一作焚

野大聲殷空岑

嶺躩踞潭洞簸蕩須臾風雨散雲雷收激

文粹作頂

辟輪困

斬焉中闢南委地以梯

集作梯

落北干霄而碣

一作揭

樹不

上不下不西不東亭亭厥心隱出

文粹作隱隱

真像三十二

相具八十種好備列侍環衛品覺有序莊嚴供養文物

咸秩融

蜀本作端

然慈面儼矣儀形似倚雪山而授法如開

月殿以趺坐異矣哉不曰博聞乎未聆於既往不曰多

智乎罔測其所來且物之堅莫堅於石況高厚廣袤又

羣石之傑一朝瓜剖中有雕琢其為造石之初致有相

於外封乎其為有石之後入無間以內攻乎噫不可以

人事徵試請以神化察巍巍釋氏發揮道精其身既傾

其神不生等二儀以通變齊四大而有力教於時有所

頽靡人於教有所忸怩則為不可思議以煦以吹故示

此無跡之跡難然之然俾知其

集無其字

我存存入

集無入字

我

之門經曰千百億化身蓋隨感而應茲身者則千百億

之一焉昔諸佛報現皆托於有命則有生有生則有滅

曷若因其不朽之物憑乎

集作其

不動之基形既長存法

亦隨是與夫為童兒

集作男

而出世假長者以來化玄玄

之徵則雖一永永之利則不侔可以禮足而悔罪寄影

以安樂予則求福不回者焚香跪仰或從釋子之後故

於

文粹作爲

嶢嶢之餘仍聊書其所由来貞元六年七月十

五日記

移佛記

沈亞之

元和四年三月五日杭州報恩寺長老與其鄉閭父子將徙故佛像歸復于其寺佛至乃饗長老使白其由於亞之而求詳錄焉沈子曰西域之有神教流於東域中者其教像法其法者名曰佛自稱曰天人師又曰世尊出其言亦曰經驗其經之說佛去世而後摹其形焉像其真與衆瞻仰之故法之言像由斯一有興字也其或範金

鐵以為之合土木以為之堅之以脂膠飾之以丹漆五

色然後形神儼然成其像舉其數體有為尊而坐者有

為卑而拱立者有跪

集有者字

如受教諭者有執樂而絃者

吹者有其形恠荷戈而勉强者有瞋目而叱咤者摹

鬼神焉此為像之外者也其性之旨為戒慎焉

集無馬字

正

邪去惡為濟渡力導盲聾警沉溺使民無不善如我仁

誼慈惠然此為像之內者也又說有已來之生來生之

後生為福則福應為禍則禍應因緣化而設其旨或由

是舉域大敬自天子達於庶人一信佛之來於今六

集作

八百餘年矣其間亦時神恠焉先天中其寺之佛事具

足如向之所有無何水火

集作大是

災生民流沉溺于是邦

其寺之佛事卑而拱立者跪而集作如受教諭者執樂而

絃者吹者衛而荷戈叱咤者皆毀也散其宇皆落唯尊

而坐者獨歸焉而存由是納去又重其裝

集作莊

敬焉數

歲其鄉人後生敵惡者十誡其三四故此鄉之人思其

功力復求而歸之與其敵惡誡

一作是欲敵惡

而一有與字敬順

之道明矣嗟乎忠信仁誼不舒信於人久矣而皆以已

生來生之後因緣禍福之說化行矣

集作焉

今余因長老

請余記移佛之由遂得道教之意

集無此字

所以意者欲使

羣生隨其機以悟之其機高者其性惠見其內像而內

覺發其心而能至其正其機下者其性回見其外變

一作

像而外覺反其心而後歸其正是故精麤其內外之像

以陳之

再修成都府大聖慈寺金銅普賢菩薩記

韋 畢

真如常寂色相假名法本無緣誠感必應大慈寺普賢  
像蓋大照和尚傳教沙門體源之所造也儀合天表制  
侔神工蓮開慈顏月滿毫相昔普賢以弘誓願於南瞻  
部洲贊釋迦文拔羣生苦而塵俗昏智莫覩真相雖同  
諸法究竟寂靜而隨所應為現其身即色即空皆菩薩  
行自昔鎔于寺之東像成功巨莫能締構危棟洩雨頽  
墉生榛狐狸梟鷲號嘯昏晝於戲明可以照幽晦教可

以達羣迷何廢興之變陰隲於冥數昔大厯初有高行  
僧不知何許人曰斯像後十年而廢二十年而復興我  
今皇帝神聖纂圖詔四方監宇修舊起廢斯其明效也  
臯因降誕慶辰肅羣寮戒武旅上崇景福齋于斯寺觀  
象王雄傑天眼慈矚一作瞻禮足諦視恍如有神而廢故  
湫漏殆無人跡將何以昭誘沉淪發揮誠敬遂南遷百  
餘步度宏規開正殿因詔旨諭羣心千夫唱萬夫和奮  
鼎肩岑穹崇橫絙運巨力拔始雷殷而地轉歛雲旋以

山迴面西方而聖教攸歸鎮坤維而蠢類知向於是平  
坎窞翦蒙籠橫空準繩審曲面勢連廊霑以雲屬三橋  
揭其虹指廓廣庭之漫漫增重門之嘖嘖是知至道默  
存於濁劫元功必啓於康時不然何神像巍巍冠諸有  
相久而弛廢將有待而興乎觀其左壓華陽之勝中據  
雄都之盛岷江灌其前趾玉壘秀其西偏足以彰會昌  
之福地弘一方之善誘安得不大其棟宇規正神居哉  
夫像未一作設陵夷去聖彌遠言教者必滯於物遺物者

亦住於空將求乎中弘我至教乃擇釋子達真源之所  
歸者于以居之臯受命方鎮十有七年求所以贊皇猷  
裨大化嘗以萬人之心不俟懲誠靡然歸善者釋氏之  
教弘矣况冥祐昭報大彰于時崇而守之亦同歸於理  
也是用上承聖意虔奉天心存像存教以勸其善貞元  
十七年十一月二十日劍南西川節度觀察處置并雲  
南安撫等使光祿大夫檢校司徒兼中書令成都尹南  
康郡王韋臯記并書

繡西方大慈大悲阿彌陀佛記 穆員

儒之執喪也極其哀止於毀其於既往也則無及焉西方聖人以大慈大悲為功追護往生為誓凡爾銜卹靡至克窮罔極如有求而不獲者何末由斯而洩之貞元

八年百一旬有六日我伯姊前烏程令弘農楊萃一作華

故夫人之喪再周先是哀子泰衡嵩復觀洎女子子字一作

娘相與號曰我之生也自親之生今我報親幾何而既

何先王制禮不即人心何義和迅節不恤余慕於是合

哀儻聖誠而禱之男冥其心女集其指迨茲日而阿彌陀佛現嗚呼西方之教念焉斯至矧是像也一縷一哀一哀一聖凡億萬縷為億萬聖億萬大慈大悲一壹一作之乎爾願其為追護也可訾量哉泰等毀傷見者之神號墮鄰人之淚是月之慕有逾其初舅氏員撫而廣之曰親之於子也生三年而免於懷子之於親氏喪三年而免於服是則服之終也豈哀之終乎記所謂君子有終身之憂蓋哀之終也此又哀之終也豈孝之終也經

曰立身揚名以顯於後世夙興夜寐無忝爾所生此孝之終也若然者爾之孝爾之哀偕爾身齊爾性於是始孝何痛夫終焉員悲不能文強為之記

畫千手千眼大悲菩薩記

貞元七年孟夏月再旬有六日我伯姊弘農楊氏夫人之喪暮女秘書省正字河東裴求已妻痛夫四序往而還萬化周而始慈顏復覩終天無期伏念身體髮膚重於所受不敢以毀生為報其發於一號者則昊一作穹

可聞泉壤可徹恭西方之教有追護之功崇建是像庶  
乎有及吾聞之古之泣血不必以血為淚痛之至者如  
泣血焉是像也起爾一心成千手千眼自素為續自續  
為相自相為聖自聖為福所以復于爾所生者庸非爾  
之血乎希微窈冥之聞一作間惟至可至之至者孰至於  
哀哀爾思舅氏員自以一虧而不復續者骨肉之謂泣  
撫其事從而記一作紀之

夔州始興寺移鐵像記

劉禹錫

佛新盡于軋竺而像教東行是法平等故所至為淨土  
是身應供故隨念如降生先是魚復人有以利金為彌  
勒像者重千鈞眸容瑞相人天兩足鳧氏卒事而他工  
未備故寓于西偏不知其幾年矣寺僧法照瞻禮發信  
赤肩白足入諸天集作域乃至聚落無空過者積十餘  
年得信財無量繇是購工以嘗巧募徒而畢力四輩增  
增工麾以肱中樞外脉陰轉陽動歛如地湧岌如山行  
大匠無言尊容嚮明青蓮承趺金獸捧持藻井花鬘葱

龍四垂邑人膜拜如佛出世法照以願力能就泣於

集作

于佛前因持片石乞詞以示後按此寺始於宇文周初

瀕江卑庠皇唐神龍中為水所壞有波那賴耶國僧廣  
照浮海而至頓錫不去遂移於今道場所山曰磨刀嶺

曰虎岡其經始與克終

集作修

皆蕃僧是力後之有志者

豈無人哉法照夔人姓穆氏年十有五出家依江陵名  
僧受具肇自貞元二十年甲申歸此寺願崇建有為凡  
修大殿立菩薩大弟子侍佛左右建長慶癸卯有成其

善植德本者歟

文苑英華卷八百十八

欽定四庫全書

文苑英華卷八百十九

宋 李昉等 編

釋氏三

佛像下

彭城公寫經畫西方像記一首

畫西方幘記一首 畫彌勒上生幘記一首

易州抱陽山定惠寺新造文殊師利菩薩記一首

興唐寺毗沙門天王記一首

經上

大唐金剛般若石經記一首

壽州法華院石經堂記一首

東林寺經藏西廊記一首

華嚴經社石記一首

香山寺新修經藏堂記一首

佛像下

彭城公寫經畫西方像記

盧子駿

滁州長史盧子駿太和六年十一月十七日自南譙抵  
鍾離謁太守彭城劉公公以鯁生文苑之舊常無疵瑕  
歡好同昔年宴游無虛日因及開元佛寺指大乘經藏  
曰我召傭書人書寫也西墉有西方像焉我俾畫工圖  
形也鑿戶牖以為廟我命梓人庀事也厥功暨秋七月  
而畢先時公由廷尉評佐畫中書令田公於鎮州田令  
公將朝天子藉公上請事未訖而田令公遇害從事者  
皆死白刃毒流於妻孥亂兵相約曰評事國士也議帥

師一作

前未嘗不忠遇吾儕未嘗不信安可負評事耶駭

評事家者衆誅之由是良賤獨無橫禍未幾天子震怒  
命將討賊鎮州阻絕公莫得知其家公曰吾孀姊依我  
少妻從我姊之子吾之子皆齒稚得脫虎口者非大聖  
相祐其可保全乎哉遂血淚橫下歸誠虔禱曰吾姊吾  
妻吾甥吾兒無恙而出寇境者則丹青極樂世界一鋪  
寫金剛般若波羅蜜經一千卷以酬焉不則吾終身不  
祿仕也明年公之長幼高下咸自賊中至君子曰劉公

起諸生擅名文場為聖朝博士損益禮樂簪白筆瞻我  
衣冠者不犯居粉署大彌綸之績收濠梁著來蘇之謚  
履道坦夷濟物平施加以為弟之悌為夫之義為舅之  
惠為父之慈其在詩曰允矣君子展也大成公宜延洪  
我國家康濟乎兆庶有皇天之福祐靈祇之相助化危  
為安彌禍為福信修身飭行之報矣非祈佛之效也且  
徵之亂日公之同僚無一免者而公不在亂邦祈佛之  
辰公之同僚黨屬盡夷滅而公之家恬然無事可以明

矣于公獄吏耳守法能平尚慶流後嗣矧公之於家也  
友愛如此於國也賢明如是鎮之狂寇其如公何而今  
公捐清俸鳩衆工毫相嚴備心法闡揚絨之以寶龕邃  
之以紺殿煌煌焉言言焉斯亦公不欺夙誠而欲復言  
也于駿辱公之遊于茲二紀熟公之懿範仰公之嘉猷  
因喜幽顯有答故刊石以祇命云太和六年十二月五

日濠州刺史彭城劉

闕

建

畫西方幘

文粹  
作幘記

白居易

我本師釋迦如來說

一作記

言從是西方過一

集無一字

十萬

億佛土有世界號極樂以無八苦四惡道故也其國號  
淨土以無三毒五濁業故也其佛號阿彌陀以壽無量  
願無量功德相好光明無量故也諦觀此娑婆世界微  
塵衆生無賢愚無貴賤無幼艾有起心歸佛者舉手合  
掌必先嚮西方有怖厄苦惱者閉口發聲必先念阿彌  
陀佛又範金合土刻石織文乃至印本

集本文  
粹作水

聚沙童

子戲者莫不率以阿彌陀佛為上首不知其然而然由

是而觀是彼如來有大誓願於此衆生衆生有大因緣

於彼國土明矣不然者南北東方

集作東  
南北方遇見

二字二  
本作過

去見未來佛多矣何獨如是哉唐中大夫太子少傅上

在柱國馮翊縣開國男

二本  
作侯

賜紫金魚袋白居易當衰暮

之歲中風痺之疾乃捨俸錢三萬命工人杜宗敬按阿

彌陀無量壽二經畫西方世界一部高九尺廣丈有三

尺彌勒

集作  
陀

尊佛坐中央觀音勢至二大士侍左右天

人瞻仰眷屬圍繞樓臺伎樂水樹花鳥七寶嚴飾五綵

彰施爛爛煌煌功德成就弟子居易焚香稽首跪於佛  
前起慈悲心發弘誓願願此功德迴施一切衆生一切  
衆生有如我老者如我病者皆願集作願皆離苦得樂斷惡  
修善不越南部便覩西方白毫大光應念來感青蓮上  
品隨願往生從見在身盡未來際常得親近而供養也  
欲重宣明二本無此字此願而偈讚云

極樂世界清淨土無諸惡道及衆苦願如老身病苦者  
同生無量壽佛所開成五年三月十五日記

盡彌勒上生頌

集作記

南瞻部洲大唐國東都香山寺居士太原人白樂天年  
老病風因身有苦遍念一切惡趣衆生願同我身離苦  
得樂由是命繪事按經文仰兜率天宮想彌勒內衆以  
丹素金碧形容之以香火花果供養之一禮一贊所生  
功德若我老病苦者皆得如本願焉本願云何先是樂  
天歸三寶持十齋受八戒者有年歲矣常日月焚香佛  
前稽首發願願當今末世與一切衆生同彌勒上生隨

慈氏下降生生劫劫與慈氏俱永離生死流終成無上  
道今因老病重此證明所以表不忘初心而必果本願  
也慈氏在上實聞斯言言訖作禮自為此記時開成五  
年三月日

易州抱陽山定惠寺新造文殊師利菩薩記

卯 真

恒北山之鎮也易朔門之衝也山形東下萬嶺相屬得  
抱陽之一峯岌然孤標對引雙翼前面豁向陽光抱中

故以抱陽名山山有定惠寺建于隋開皇成于今大歷  
左有精舍上有寶坊憑巖架壑崛起堂殿甃石為趾飛  
空構梁迴廊盤磴層閣鬱峙陽崖森竦以木秀陰壁沮  
洳以泉灑可以資蔭庥可以備飲濯朝日上海千巖下  
平晴雲捲霄百里前盡萬靈之所孕育衆聖之所栖憩  
賓延真至驅伏魔恠導龔俗於覺路化空山為金界羌  
難得而畢載也皇帝御天下之十三年至化汪濊被於  
無垠紹興像法荷護釋種我成德節度使太子太傅尚

書左僕射兼御史大夫隴西郡王李公寶臣光膺朝寄

主東之諸侯保和師旅

一作人

康靖方夏民既咸理法亦

隨建遺功墜跡悉命修復有若新羅真子曰談藏浮海  
而至止於山間迴向懇到發其言願乃於寺內建文殊  
師利菩薩堂焉又於堂內立我隴西王洎夫人邠國夫  
人谷氏真形於其次所以存相展敬荷恩昭報也規心  
匠智庀徒歲事徵工攻木陶甄窮沙凝礫人隨悅來事  
與念就乃畢土木乃備丹素綵錯翬飛霞張電燧儼八

部以營衛列四天以護持如登化城忽入空境作禮端  
肅則文殊垂教之跡可歸也潔誠趨奉則隴西護法之  
恩可報也夫大雄現世乘化演教陰濟羣動泯而歸無  
大賢佐世康物毗政協宣元氣退而不有以性一作相  
示不以文字成元純冥符其理宗一則歸向者不必入

毗耶之會方受真如之旨虔敬者不必趨丞相之府方  
承文告之令心念目覩隨而應祉於此堂也息真子之  
心迴是顯績樹為介福固一作故我皇極不騫不崩登我

明祚如岡如陵俾我隴西公位尊而壽功業長久俾我  
邠國既熾而昌福履穰穰轉輔公朝以作鎮配茲山以  
等固宜之哉真實掌中軍之記敢拜嘉命書于貞石時  
大厯甲寅歲孟冬既望

興唐寺毗沙門天王記

盧弘正

毗沙門天王者佛之臂指也右扼吳鉤左持寶塔其旨  
將以摧羣魔護佛事善善惡惡保綏斯人在開元則玄  
宗圖像於旗章在元和則憲皇交神於夢寐佑人

一作仁

濟難皆有陰功自時厥後雖百夫之長必資以指揮十  
室之邑亦嚴其廟宇戢齊強暴無煩狴牢敏以一作為

政者必因而證樹之興唐寺僧道契者惠智之人也眇

隙地得勝槩肇基厥事始唱而求其和焉前刺史范陽

盧公周仁薪骨塗肉以立之後刺史河南渾公鋒施丹

凝素以完之終而司勳京兆韋公礪揮金致績以美之

窺三君子同心構物之道顧斯人之肥瘠也一作豈一朝

一夕一手一足之功哉弘正惴惴兢兢大懼三賢相因

之績由我或隳而已余爾一作視斯像且未有增一毫之

力視斯人其獲有所一作其施為耶撫事及政為之記

云時開成三年十二月十五日

經上

大唐金剛般若石經記

釋真言

有唐相國寺大德曰景融建金剛般若石經于大梁當  
唐氏帝天下百六十有八祀貞元元年龍集乙丑皇帝  
拜南郊之來月壬戌立于寺奉國報慈從昔願也夫先

佛者法法空則境證後佛者教教離則言亡雖至德而無形亦假名而有後繇是脫靈之源流重華於漢土慧命之懸解載頌於魯文融公宣之與慧命俟疑矣公性惟明敏量秉淳固生而好學幼則老成孝傳鄉黨名冠緇宿心堅不玷之玉行滿上弦之月為儒之龜鏡則在三之義全紹佛之弓冶則第一之道立加以才高利用迹著通方掌僧有火光之烈待客有泉水之稱不求虛飾外以浮榮異世同流照芳並美公以出塵而不為

闕

而不為邦之史

一作史

常追昊天之報每蓄維

桑之敬遭逢世故蕩溺兵間定亂之術非孫吳不可問  
安之禮非荀趙不大君親之効我復何有遂乃恭已懇  
志建言有謀以為至聖無私會感必通正智無情在幾  
必兆因疇遺訓歷考故實願欲一作為寫誦章句潛融觀  
照持三輪空成萬象印禍不却而自抑福不招而自集  
本無為以寧家體淳化以建國則知刑賞之內權衡制  
之刑賞之外我法綏之事無績而有忠功不伐而多義

斷其今古度以優劣苟折骨刺血于皮紙則節苦而難就欲垂露懸針於竹素則工費而易朽所以徵藍田之美璞擬繁昌之麗刻庶斲勞而永固與天長以地久一作與天地長久於是月殿西次雕楹南嚮四序光景六時香煙摸可以廣千萬經觀可以更億兆衆公與真言十年之長三紀之故假詞抒意難讓課虛謝命含毫感事題記者也

壽州法華院石經堂記

李紳

如來以萬門萬行普示衆生隨其性根用假方便水月  
觀像萬衆俱鑒識真如者知非在水慧燈傳照百千同  
朗識佛智者知燈在覺是以如來開三乘諭演菩薩旨  
傳十二輪渡生死海是經之要妙諸佛之心印卷舒萬  
法一作卷彰示凡聖信解得入入為真諦無我無我無為  
無為無生無滅諸佛如來不以寂滅自樂無生自處故  
現生滅以示羣迷入煩惱中解衆生縛入有相中示衆  
生滅是以諸佛如來以一切衆生煩惱苦海無明罪垢

為解脫方便故經有火宅窮子以弘法諭有衆生有煩惱離煩惱即諸佛有煩惱即衆生煩惱蓋纏不知明覺如寐如病佛為解寐療病衆生昏業不能解釋故如來廣清淨教開是經典用曉迷愚以示方便聞是經者發菩提心持是經者入如來智一禮一敬皆資勝因刻于貞石瞻仰常覩表佛慈旨無言現言刊諸蓮宮永乘福慧太和六年歲在壬子七月既缺之二日書

東林寺經藏西廊記

白居易



有即日移用作藏西廊因請寺長老演公滿公琳公等

經之寺綱維令果

集作果

靈達等成之蓋欲護前功償始

願非布施相功德心也其集經名數與創藏由緣詳于

李肇碑文此但書新作西廊而已十四年月日忠州刺

史白居易記

華嚴經社石記

有杭州龍興寺僧南操當長慶二年請靈隱寺僧道峯

講大方廣佛華嚴經至華藏

集作嚴

世界品聞廣博嚴淨

事操歡喜發願於白黑衆中勸千萬人

集疊人字

轉華嚴經

一部十萬人中又勸千人

集疊人字

諷華嚴經一卷每歲四

季月其衆大蘇

集作聚

會於是攝之以社齊之以齋自二

年夏至今年秋凡十有四齋每齋操捧香跪啓於佛曰

願我來世生華嚴藏世界大香水海上寶蓮金輪中毗

盧遮那如來前與十萬人俱斯足矣又於衆中募財置

良田十頃歲取其利永給齋用予前牧杭州時見

集作聞

操發是願今牧蘇州時見操成是功操自杭詣

一作蘇之

凡三請於予曰操八十二矣朝夕待集作盡恐社與齋

來者不能繼其志乞為記誠俾無廢墜予即十萬人中

一人也宜乎志而贊之噫吾聞一毛之施一飯之供終

不壞滅况田千畝齋四時用不竭之征備無窮之供乎

噫吾聞一願之力一倡之功終不壞滅况十二部經常

出於百千人口乎况十萬部經常入於百千人耳乎吾

知操徒必果是願若經之句義若經之功神則存乎本

傳若社人之姓字若財施之名數則列于別碑斯石之

文但叙見願即來緣而已寶曆二年九月二十五日前  
蘇州刺史白居易記

香山寺新修經藏堂記

先是樂天發願修香山寺既就

事具前記

迄今七八年寺有

佛像有僧徒而無經典寂寥精舍不聞法音三寶闕一  
我願未滿乃於諸寺藏外雜散經中得遺編墜軸者數  
百卷秩以開元經緣按而校之於是絕者續之亡者補  
之稽諸藏目名數乃足合新舊大小乘經律論集凡五

千二百七十卷乃作六藏分而護焉寺西北隅有隙屋  
三間土木將壞乃增修改飾為經藏堂堂東西間闢四  
牕置六藏藏二門啓閉有時出納有籍堂中間置高廣  
佛座一座上列金色像五百像後畫集作西方極樂世

界圖一菩薩影二環座懸文幡二十有四榻席巾九泊  
供養之器咸具焉各為道場簡儉嚴淨開成五年九月  
二十五日堂成藏成道場成以香火釁之以飲食樂之  
以管磬歌舞供養之與閑振源濟釗操洲暢八長老及

比丘衆百二十人圍繞讚歎之又別募清淨七人日日  
供齋粥給香燭十二部經次第諷讀俾夫經梵之音晝  
夜相續洋洋乎盈耳哉忻忻乎滿目集作願哉爾時道場  
主佛弟子香山居士白樂天欲使浮圖之徒游者歸依  
居者護持故刻石以記之

文苑英華卷八百十九

欽定四庫全書

文苑英華卷八百二十

宋 李昉等 編

釋氏四

經下

蘇州南禪院千佛堂轉輪經藏石記一首

廬州明教寺轉關經藏記一首

塔浮圖  
附

故中岳越禪師塔記一首

牛頭山第一祖融大師新塔記一首

西川鸚鵡舍利塔記一首

滑州明福寺新修浮圖記一首

石柱附石階

上元縣開善寺修誌公和尚堂石柱記一首

新興寺佛殿石階記一首

經下

蘓州南禪院千佛堂轉輪經藏石記

白居易

千佛堂轉輪經藏者先是郡

集有太字

守居易發心蜀沙門

清閑挾

集作矢

謨吳僧常敬弘正神益等僦功檀

集作商

主

鄧子成梁華

一有曹公政王集周順七字

等施財院僧法弘

一作供

惠

滿契元惠雅等歲事太和二年秋作開成元年春成堂之費計緡萬藏與經之費計緡三千六百堂之中上蓋下藏藏蓋之間轉九層佛千龕綵繪金碧以為飾環藏蓋懸鏡六十有二藏八面面二門丹漆銅錯以為固環

藏敦

集作敦

座六十有四藏之內轉以輪止以柅經函二

百五十有六經卷

開

千五十有八

南閩浮提內大小乘經凡八萬四千卷按

唐開元經錄名數與此藏同藏成經具之明年蘇之緇於閩浮大數二十之一也耶

集有徒聚謀曰今之集無功德如是誰其尸之宜請有

白字集有徒聚謀曰今之集無功德如是誰其尸之宜請有

福智僧越之妙喜寺長老遂禪師為之主宜初發心人

前本郡守白少傅為之記僉曰然遂集作既來教行如

流僧至如歸供施達觀隨日而集堂有美食路無饑僧

遊者學者得以安給惠利饒益不可思量既而遂隨緣

西去又請本郡乾元寺禪僧德暉大師嗣之暉既至

集無

此二十  
五字

師又日與苾芻徒

集作  
衆

升堂焚香合十指禮于

佛然後啓藏發函鳴鍵椎唱伽陀受持諷誦十二部經

經聲洋洋充滿虛空上下遠近有情識者法音所及無

不蒙福法力所攝鮮不歸心佻然吳

集作  
巽

風一變至道

所得功德不自覺知繇是而言是堂是藏是經之用信

有以表旌覺路也脂轄法輪也示火宅長者

集有之便  
子字

門也開毛道凡夫之大寶也亶其然乎亶其然乎

集不  
疊此

四又明年院之僧徒三詣洛都請予為記夫記者不唯紀年月述作為亦在乎辨興廢示勸誡也我釋迦如來

有言一切佛及一切經

集作法

皆從何

集作經

出然則法依

於經經依於藏藏依於堂若堂壞則藏廢藏廢則經墜經墜則法隱法隱則無上之道幾乎息矣嗚呼凡我國土宰官支提上首暨摩摩帝輩得不虔奉而護念之乎得不保持而增修之乎經有缺必補藏有隙必葺堂有壞必支若然者真佛弟子得福無量反是者非佛弟子

得罪如律開成四年二月二日記

廬州明教寺轉關經藏記

譚 銖

大唐咸通庚寅歲廬之佛寺曰明教有禪那僧文珣創  
轉關經藏成命銖記其事銖常奉釋氏因錄其義以喻  
之曰經曰佛滅度後像法存焉夫像似也俾迷者覩其  
像得其意乃曰經心也藏藏也如心之含藏萬法者也  
故曰一心生萬法萬法由一心其動靜弛張在我而寧  
窮其義畧舉其大斯藏也本於一心圓通無礙動用自

在靜則萬法空寂動則三界彌綸虛偽惟心所造作其在斯乎周迴八角角覺也佛以眼為八邪耳為八患鼻為八苦舌為八難迴八邪為八覺迴八患為八解脫迴八苦為八安樂迴八難為八王子指四八為三十二相由此八關返邪歸正成佛之境矣止則寂然無用引則轉而不窮動雖有聲靜乃無跡以此現相俾人歸依知佛之心體道之要使迷徒瞻禮自識根源移於身心可見微密迷者若悟知三乘妙旨未脫輪迴一法正宗不

離真性性而非性真何所真乃知三界本空十方如一

相而無相知何所知始當嘗一作語言道斷心行路滅其

藏貯修多羅教千軸募金數長者禪那弟子蘄州長史

殿中侍御史上柱國王師貞將一作特力營構果獲成就

噫已丑歲屬徐方兵亂援軍屯集雖存根本幾失護持

今則色相端嚴典教漸備所表法輪常轉心不動搖畧

諭因緣以示道俗云耳讚曰

修多羅教函于藏輪周迴八角正道斯陳動用一心為

萬法因忘因無法得本歸真鑄于金石用導迷人

塔浮圖

故中岳越禪師塔記

李華

智之深者反照仁之大者無思反照而萬物一作類同明

無思而一切咸寂真如住乎無住妙有生乎不生惟禪

師至其極也禪師法號常超發定光於大照大師垂惠

用於聖善和尚證無得於敬受閣黎司徒郭公舉為東

京大德御史中丞鄭公表敷教於

闕

乃沿漢至黃鶴

磯州長候途四輩瞻繞請主大雲寺

闕

醉願露醒

藥於是以梵網地還其本源楞伽法門照

闕

真性荆越

之俗五都僑人有度者矣寶應

闕

年暮春

闕

之一日

證滅于禪居縵杖百千江哀山悴凡入諸佛

闕

位二十

九夏存父母遺體五十九年門人寶藏熙怡等

闕

棒香

甍建塔東岡遵像法也禪師滄州人姚姓靈和應

闕

海

闕弱歲齒于儒者既而捨孔氏之經為釋門之肩聞西

河攝護第一乃往從師次諸嵩穎服勤上法理妙詞簡

神凝道深蓋六度之龜麟人天之海岳也嗟夫雨寶之珠伏於泥下燎原之火隱在木中開示有期繼生宗範摩訶達摩以智月開瞽法雷破聾七葉至大照大師門人承囑累者曰聖善和尚環注源流含靈福備乃灌其頂龍象如林及安史逆天兩京淪翳諸長老奉持心印散在羣方大怖之中人獲依怙則不言之闕為之益廣矣大矣覺之正之默茲闕照不為深乎弟子司封員外郎趙郡李華泣舉雙林敬表仁旨時廣德二年正月

六日

牛頭山第一祖融大師新塔記

劉禹錫

初摩訶迦葉受佛心印得其人而傳之至師子比丘凡二十五葉而達摩得焉東來中華華人奉之為第一祖又三傳至雙峯信公雙峯廣其道而岐之一為東山宗能秀寂其後也一為牛頭宗嚴持威鶴林徑山其後也分慈氏之一支為如來之別子咸有祖稱粲然貫珠大

師號法融姓常氏延陵人少為儒博極羣書既而嘆曰  
此仁誼言耳吾志求出世間法遂入句曲依僧吳改逢  
掖而緇之徙居是山宴坐石室以慧力感通故旱麓泉  
涌以神功示現故皓雪蓮生巨蛇摧伏羣鹿聽法貞觀  
中雙峯過江望牛頭頓錫曰此山有道氣宜有得之者  
乃東果與大師相遇性合神契集作授至于無言同躋智  
地密付真印揭立江左名聞九圍學徒百千如水歸海  
由其門而為天人師者皆脉分焉顯慶二年報身示滅

道在後覺神依故山戒香不絕龕座未飾夫豈不思乎  
蓋神期真數必有所待太和三年潤州牧浙江西道觀  
察使檢校禮部尚書趙郡李公在鎮三閏百為大備尚  
禮信古儒玄交修始下令禁桑門販儒佛以眩人者而  
於真實相深達焉嘗謂大師像設宜從本教言自我啓  
因自我成乃召主吏籍我月入得緡錢二十萬俾秣陵  
令如符經營之三月甲子新塔成事嚴而工人盡藝誠  
達而山神求護願力既從衆心知歸撞鐘告白一作龍

象大會諸天聲香之蘊如見如聞即生相敬明幽同感  
尚書欲傳信于後遠命愚志集作智非之夫上士解空而離  
相中士著空而嫉有不因相何以示覺不由有何以悟  
無彼達真諦而得中道者當知為而不有賢乎以不修  
為無為也

西川鸚鵡舍利塔記

韋 臯

元精以五氣授萬類雖鱗介羽毛必有感清英淳一作純  
粹者矣或炳耀離火或稟竒蒼精皆應乎人文以奉若

時政則有革彼禽類習乎能言了空相於不念留真骨  
於已斃殆非元聖示現感於人心同夫異緣用一真化  
前歲有獻鸚鵡鳥者曰此鳥聲容可觀音中華夏有河  
東裴氏者志樂金仙之道聞西方有珍禽羣嬉和鳴演  
暢法音以此鳥名載梵經智殊常類意佛身所化常狎  
而敬之始告以六齋之禁比及辰後非時之食終夕不  
視固可以矯激流俗端嚴梵倫或教以持佛名號者有  
日當由有念以至無念則仰首奮翼若承若一作聽其

後或伴之念佛則默然而不答或謂之不念即唱言阿

彌陀佛

一無佛字

歷試如一曾無爽異余謂其以有念為緣

生以無念為真際緣生不答

一有以字

為緣起也真際雖言

言本空也每虛室或

一作戒

曙發和雅音穆如笙竽靜鼓

天風下上其音

一本有其音成文四字

念念相續聞之者莫不洗

然而嘉善矣於戲生有辰乎緣有

一作其

盡乎以今年七

月悴而不憚已日而甚馴養者知其

一無此字

將盡乃鳴磬

告曰將西歸乎為爾擊磬爾其存念每一擊磬一稱彌

陀佛洎十擊磬而十念成歛羽

一作翼

委足不震不仆奄

然而絕按釋典十念成往生西方又云得佛惠者歿有舍利知其說者固不隔於殊類哉遂命火以闍維之法焚之餘燼之末果有舍利十餘粒炯爾耀目瑩然在掌識者驚視聞者駭聽咸曰苟可以誘迷利世安往而非菩薩之化歟時有高僧慧觀常詣三學山巡禮聖迹聞說此鳥一作身非涕淚悲泣請以舍利於靈山用陶甃建塔旌其異也余謂此禽存而由道沒有明一作而有徵古之所以

通聖賢

一作至聖

階至化者女媧蛇軀以嗣帝中衍鳥身而

建侯紀乎策書其誰曰語恠而况此烏有弘於道流聖

證昭昭胡可默已是用不愧直書于辭貞元十九年八

月十四日檢校司徒兼中書令成都尹南康郡王常臯

記

一作皆唐文粹

滑州明福寺新修浮圖記

白敏中

唐乙巳歲帝命司空隴西公作藩于滑公既至問甲士以安問文吏以理問黎人之疾苦翊月之後既安且理

而無疾苦明年夏五月暇日公與監軍軍倅賓介遊于  
佛寺寺號明福因詢明福之義有僧定俊曰冥報記云  
隋開皇年中滑人杜明福妻齊氏嘗讀法華經沒後為  
崔氏男子名彥武至仁壽四年崔年三十為滑守一日  
了然通前生事顧謂從者曰吾昔為此郡人婦今知家  
處因乘馬抵闕入修巷指門而呼杜一本疊杜字非氏明福  
老矣疾出拜迎崔入門先昇堂指東壁圯墁之隆處謂  
明福曰吾昔所持經卷金釵藏於此七卷末紙火藝字

滅今每念至此常不終卷因壞垣果得經并釵其末藝處咸如說復指庭前樹曰吾常斷髮寘諸穴中取之又得明福殆不勝情云皆亡室之所遺記也比計物故之日及生之年畧無差焉噫靈驗應兆既如彼存沒契會又如此感嘆久之遂請施宅為寺崔即日為之上言請置寺因號明福由是起殿中虛屋周廊四迴前三其門庭二其臺架危樓以聲鐘植修莖以飛幡界宇峻嚴宛如鷲山于茲三百有餘年矣公異其事惜無銘記遂勒

石以載既而出家財修浮圖賈彼餘力因其隙時人樂就役物無枉耗越七月浮圖成峻層孤危高無有倫壓地貫天泉縮日低鐵輪周迴風鐸四鳴軍城用為壯觀公命敏中援筆以記敏中蹶然而起曰釋氏之教其來久矣漢魏以降復煽而熾其教以禪定慈忍報應齋戒為事亦以是誘掖人心輔助王化何者先王恭默無為之道乃禪定乎忠恕惻憫之訓乃慈忍乎懲惡勸善之法乃報應乎防慾閑邪之禮乃齋戒乎分其教而則殊

歸於禮疑而何異子不語恠力亂神惡其人之惑也今  
崔氏之應足彰福善之理焉可同恠神乎故得直而書  
之無愧詞於戲公不至寺誰表其異寺不值公誰為之  
記時也皇帝之代寶歷二祀白露之秋八月癸未因其  
異而致其施施乎弛而增其圮後之人兮知我公修浮  
圖之義

石柱

石階附

上元縣開善寺修誌和尚堂石柱記

李願行

蓋六度為萬行之本施檀其一焉然以不住相而為者  
其用大不希福而捨者其道弘故我廉察使御史大夫  
贊皇公是以有法財之施焉亦猶真諦無像因像以教  
立至人無功由功而用顯誌公和尚者實觀音大士之  
分形者歟然跡見於近代梁書具載其事夫妙覺本寂  
法身圖一作闕應羣品而必呈觀衆生而常度故利見  
則洪鍾待扣感畢乃慈航息運初誌公之未遷滅也梁

武帝命工人審像而刻之相好無遺儼然若對建窳堵  
波於金陵之開善寺聖功冥化歷代瞻敬人欽其神者  
二百餘祀公乃具綵舟設幡蓋而迎至則置於廳事西  
偏方丈之淨室每旦散名花藝靈香時復膳百味鼓八  
音以展誠敬以申供養公曰觀其寂然不動契定惠於  
真宗杜口無言若息心於了義夫色相如影則遺像與  
全身不殊文字性空則言語與寂默一作滅奚異吾知之  
矣吾得之矣亦既觀相爰歸本寺幢幡贊唄如始至焉

公乃減清俸解上服命修珠帳飾花座因陀之罔疑如  
懸上帝之寶咸在其餘則置膏腴之田以供香火之用  
所以崇像設顯靈蹤弘有為之教俾蒙昏之類永有所  
依歸僧徒等欲昭示於後以圖不朽請刻石以紀事小  
子承命而述焉長慶四年三月十一日記

新興寺佛殿石階記

釋清越

十三年秋嗣天子用舊制安天下釋像明年二月茲寺  
鉅殿石砌果而成功維持冠祠刹闕貌踞極敞午戶比

其在階陞

一作陞

得無堅強耶始台傑河東公定而崇之

巖然峻峙既像素壁繪座巖侍列中瞻

闕

千一煥若

乃丹其甍乃赭其楹林池谷壑煜燦燿燿變遂以修甃務

周其功不六七年號

一作罇

張蔓植圯缺太半盱者傷目

咸不為然始十年秋徒聚文議以為祇敬有本不類他

構言其石也於器堅永能百千萬歲天地日月而終始

者餘無如之因擇其善俾化于俗鳩贖悉備

一作編

易而

牢之寺有耆德惟恭行苦心真函欲俾壯唯竢勝樂聞

其善犁晨遽征詢導之俗雖祈寒暑燠衣壞履

一作履

穿

不暇修歇晝思夕慮唯殿之陞如是凡五年而完之其  
為利則深矣為功則永矣信夫根斯而施也覽羣施而  
無儔焉故始末之知人多不與殆知之則臬生師內萬

一作方

室皆空艱於化緣肯祭

一作祭

難就不有勁志孰能

一作修終

之具疑

不固其根不理其源豈高棟大廡徒得

輒而處之耶抑初召工選石他嶠內懷糾纏不誡

一作洩

於抱及就礮琢曲折勢狀自新于心目皆竒之陞級鏤

飾若本天匠則陰沍浸徵陽火蒸鑠信無變泐以隳其  
初余謂庶幾乎既而甍翼廊楹前廡材石交結硯鐵好  
上符稱氣增名藍繇是賓車日來僉共嗟敬舉極樂者  
又何云乎噫大道汨而像設見彼硜硜然不知所歸及  
不以茲耶一作郡非其或嘻嘻族居不能以毫益豈慈聖之  
徒耶必為而忘之神不茲泥則遊外者亦何以誚余謂  
後五百歲嗣佛子作佛事知恭者人無間然大中十四  
年二月二十一日敬亭僧清越記



文苑英華卷八百二十

欽定四庫全書

集部

文苑英華卷八百二十一至  
四

詳校官監察御史<sub>臣</sub>沈孫璉

助教<sub>臣</sub>常循覆勘

總校官進士<sub>臣</sub>朱 鈔

校對官助教<sub>臣</sub>黃昌祺

謄錄舉人<sub>臣</sub>周克鵬

欽定四庫全書

文苑英華卷八百二十一

宋 李昉等 編

釋氏五

幢

尊勝幢記一首

如信大師功德幢記一首

方丈

西軒

廬山東林寺觀音方丈記一首

西軒記一首

僧

大智禪伯碑陰記一首

信州南巖草衣禪師宴坐記一首

東都龍興寺鎮國般舟道場均上人功德記一首  
嵩嶽珪禪師影堂記一首

幢

尊勝幢記

穆員

我生同氣者七人先五後二兄姊弟妹半之不弔天降  
割于我今年春夏次妹安國寺大德尼伯姊前烏程令  
弘農楊夫人逾月繼酷先是兩兄郴州刺史贊前右補  
闕貶連州司馬質從官於遠員洎弟妹前監察御史賞  
前監察御史河東裴某妻痛支體一斷終天不續乃相  
與鬻衣尾直揭茲靈幢願得輕風微塵洎日月度影之  
所及也深茲至念慘與之怛一作俱然則巍巍永永斯乎  
一作風土日月相無極焉是幢也實表安國之塔伯姊  
期受

之隧貞元六年秋七月七日前侍御史穆員記

如信大師功德幢記

白居易

有唐東都臨壇開法大師長慶四年二月十三日終于  
聖善寺華嚴院春秋七十有五夏臘五十二是月二十  
二日移窆于龍門山之南岡寶曆元年某月某日遷葬  
于奉先寺附其先師塔廟穴之上不封不樹不廟不碑  
不勞人不傷財唯立佛頂尊勝陀羅尼一幢高若干尺  
圍若干尺六隅七層上覆下承佛儀在上經呪在中記

讚在下皆師所囑累

集作果

而門人奉遺志也師姓康號

如信襄城人始成童受蓮華經於釋巖既具戒學四分

律於釋晤後傳六祖心要於本院先師淨心名楞伽俱

舍百法經根論披閱

集作經根論枝  
又作經論披閱

因不通焉繇是禪

與律交修定與慧相養蓄為道粹揭為僧豪自建中訖

長慶凡九遷大寺居十輔大德位涖法會主僧盟者二

十二年勤宣佛命卒復祖業若貴賤若賢愚若中小大

乘人遊我門繞我座禮我足如羽附鳳如水會海於戲

非夫動為儀言為法心為道場者則安能使化緣法眾

悅隨欣戴一至於耶同學大德繼居大

集作本

院者曰

智如弟子上首者曰嚴隱暨歸靖

一作精

藏周常賁懷嵩

圓恕圓昭

獨本作照

貞操等若干人聚謀幢事琢刻既成將

師治

集作理

命請蘇州刺史白居易為記記既訖因書二

四句偈以讚云

師之度世以定以慧為醫藥師救療一切師之闡維不

塔不祠作功德幢與眾共之

方丈

廬山東林寺觀音方丈記

釋元楚

觀音於諸先覺猶孔門之有亞聖其悲智應用鴻纖毫  
億刹常如視諸掌是以郢川屈爰因伯兄宗厚上人為  
空王入室弟子手足相愛嘗得聞斯語遂捨二十萬於  
新殿東南造觀音方丈一間四一作厦西嚮峻棟茁茁  
間出廊廡又以香泥像普門功德克類端莊天飾梵儀  
如語如嘿危冠百寶風容動搖式繫拳拳靈貺斯在俾

愚菲薄旌寘堅貞愚無文苟欲贊其播植善稼於斯而已矣噫茲寺也自晉于唐五百餘載以土木有壞因而

造

一作去

之者數也真風未弭因而復之者時也由是前

九江太守給事中博陵公奉詔指撝之舊龍象三十人

經營建立之方三四年基構宏壯特新前降

一作際

遂得

鑪峰增色圖牒再張車盖貴游結轍林下逢迎相賀輝  
動巖軒挹虎溪之波瀾清塵尾之風韻閱繹故事飽飫  
前生從容吟嘯而去若是則安知來者之無柴桑乎往

者之無鴈門乎矧馨香庭實千花雪明重修白社期在  
旦夕矣愚江干宿一作暮齒常夢寐舊岑力抒肺腸遠謝  
泉石亦厚公之惠也以唐十六葉聖宣皇帝大中六年  
壬申春二月十五日江夏僧元楚記

西軒記

柳宗元

永貞中余名在黨人不容於尚書省出為邠州道貶永  
州司馬至則無以為居居文粹作寓龍興寺西序之下余知

釋氏之道且久固所願也然余所庇之屋甚隱蔽其戶

北面

集粹  
作向

居昧昧也寺之居於是州為高西序之西屬

當大江之流江之外山谷林麓甚衆於是鑿西墉以為  
戶戶之外為軒以臨羣木之杪無所不矚不徙席不運  
几而得大觀夫室向者之室也席與几向者之處也向  
也昧而今也顯豈異物耶因悟夫佛之道可以轉惑見  
為真智即羣迷為正覺捨大闇為光明夫性豈異物耶  
孰能為余鑿大昏之墉闢靈照之戶廣應物之軒者吾  
將與為徒遂書為二其一志諸戶外其一以貽選上人

馬

僧

大智禪伯碑陰記

楊伯成

夫道非言言以明道也空非相相以泯空也禪師彌天  
宜符曠劫傳中出等等騰一作勝非非適來時也適去順

也上自宸扆下達蒸黎纔仰青蓮之光旋驚白林之會  
中書侍郎嚴公探秘藏決詞江洋洋兮文宗昭昭乎靈  
迹其殊昧先覺忝在後塵糾合羣公激揚衆美豈翰墨

以云朽將金石以齊固所為

一作謂

非六經曷以明夫子

也非四偈曷以曉真如也凡捨淨財者人具顯爵里于  
時歲在辛巳五月庚戌朔十八日丁卯皇唐開元十七年

傳中

一作傳印

信州南巖草衣禪師宴坐記 權德輿

信州南巖有清淨宴坐之地而禪師在焉師所由來莫  
得而詳初州人析薪者遇之于中野

文粹作野中

其形塊然

與草木俱咨於州長乃延就茲地三十年矣州人不知

其所以然也遂以草衣號焉足不蹈地口不嘗味日無  
晝夜時無寒暑寂默之境一繩牀而已萬有囂然此心  
不動其內則以三世五蘊皆從妄作然後以無有法諦  
觀十二因緣於正智中得真常真我方寸之地湛然虛  
無身及智慧二俱清淨微言軟語有時而聞涉其境之  
遠近隨其根之上下如雨潤萬物風行空中履其門皆  
獲趣入若非翰玄機於無際窮實相之源底則四時攻  
於外百疾生於內矣古所謂遺物離人而立於獨者禪

師得之嗚呼世人感

集作感

物以遊心心遷於物則利害

生焉吉凶形焉牽攀羈

集作羈

鎖蕩而不復至人則返靜

於動復性於情夭壽仁鄙之殊由此作也斯蓋世諦之

一說耳於禪師之道其猶稊稗耶建中二年予以使役

道于上饒時左司郎崔公出為郡佐探禪師之味也熟

為予詳言之拂拭纓塵攜手接足洗我以善得於儀形

且以為楞嚴之妙旨毗耶之密用皆在是矣又焉知此

地之宴坐不為他方之說法乎故粗書聞見以志于石

東都龍興寺鎮國般舟

一作共下同

道場均上人功

德記

穆員

按經文我以神力供養不如以身供養故曰若能然手指乃至足指者是名第一之施蓋菩薩之行也今我上人以兩臂為爐藝香千度用芬苾蕭骨之義以簡萬望夫以百福莊嚴之重千度焚燒之苦與夫一指之功不為多乎又刺體之血以嚴經像若素為塗若繪為綵若寫為墨凡成就阿彌陀佛一軀觀音勢至二善二菩薩

各二事經千卷經

一有稱字

以皮為紙以血為墨書寫經戒

亦菩薩之行也曷若加之圖像三十二相八十種好盡

取諸身乎上人姓王氏東周河南人七歲喪所恃十一

喪所怙童蒙孤子無兄弟之親自毀其生用集封樹已

而嘆立身揚名無逮既往乃發大弘誓以報罔極大厯

五年始居龍興寺鎮國般舟道場爾來足不踰閭者垂

三十載其為業也形不住心夜不息晝外不舍百刺之

一中不遷萬化之二勞其形與天健精其志與日新蹈

極樂於自闕之操前後以一月有一旬有九一作五日為

一息者不記百數其願以本尊本以願為願其病以衆生之病我為病我生未已我病曷祛我病未祛我願曷已然則大慈大悲之誓竟我願云竟無邊生生之苦盡我病焉盡我生有滅我願與生生俱生我形或勞我心與極樂無極巍巍乎可思量哉員太夫人河東郡太夫人性合真如業通禪寂嘗謂學者千萬達者二三苟未至於心離有無迹超生滅則苦行為難為至誠格諸天

念嚮羣聖亦足使見聞聳善遠邇歸心况乎蚩蚩廻向  
之徒聞道甚稀睹相且衆則上人所以持本教濟衆生  
與夫禪門諸祖迭為舟梁可無媿矣又懼夫物之尤者  
見異於類行之殊者或疑於常申命小子以紀精一作積  
苦之能所以題之於此貞元十年五月二十五日前侍  
御史河南穆員記

嵩嶽珪禪師影堂記

許 籌

籌僅童知佛業儒雜老莊德慕玄空

一作完

靡極營儒身

及進士第一年尉告成明年遊是嶽謁律德唯珙上人

引將布覽至珙大師影堂珙公曰子嘗識珙公覺疑否衍

曰未云珙公覺道靈威莫可周名獨有嶽神為大師移

植松栢於東巖事碑塔所不書珙公之誠一作杜從祆

也且佛說羣經事又焉可徇珙公謙勝哉珙欲頌之患

辭不文子進士也矧僅童知佛尚一有信珙公謙勝乎書字

籌唯藏惑偶得嵩陽居士喻應真與洛陽處士陳惟復

書言岳神為珙公植樹事甚備曰大師法諱元珙俗姓

李氏伊闕縣人也太宗朝甲辰歲生高宗代癸亥歲具  
戒玄宗帝丙辰歲化滅歷年七十三始隸閒居寺習律  
安少林味禪後廬龐塢將化謂其徒仁素曰吾始志閒  
居寺東嶺我滅爾必塔吾骸于茲開元十一一作年素

力允師之志喻陳二高士曰大師嘗寂定結廬茂山巖

一作廬於  
岳之龐塢

時岳神輕步謁大師大師覺精神不世謂

曰仁者胡來而復何往

一作善來仁  
者胡為而至

神曰師寧識我耶

大師曰吾觀佛與衆生等吾一目之豈分別識

一無  
此字耶

神曰我斯

一作此

岳神也能以恠

一作生

死痛害

一無此五字

生

死於人師安得一目我哉大師曰汝能生於人

一無此五字

吾本不生汝焉能死吾視身與空等視吾與汝等汝能

壞空與汝乎苟能壞空及壞汝

闕

則不生不滅也汝尚

不能若

一作如

是又焉能生死吾也

一作邪

神稽首禮曰我

亦聰明正直於餘神而謂是神

一無此四字

豈

一作詎

知師有

廣大過空之智辨也

一作乎

願授以正戒梯拔世間

一作令我

度大師曰神

一作汝

既乞戒即既戒也所以者何戒外無

戒又何戒哉神曰此理也非濟岸梯杭之事

七字一作我聞茫昧

止求師戒我身為門弟子大師辭不獲即為張座焚香

秉爐正几曰付汝五戒汝

一作若

能奉持即應曰能不能

即曰否神曰敬奉戒

一作謹受教

大師曰汝能不媮乎神曰

亦娶也大師曰非為

一作謂下同

此也謂無羅欲也神曰能

大師曰汝能不盜乎神曰何乏我也焉有盜取哉大師

曰非為此也謂嚮取

二字一作嚮

而福淫不供而禍善也神

曰能大師曰汝能不殺乎神曰正柄在居

一作實司其柄

焉曰

不殺大師曰非為此也謂有濫誤混疑

一作疑混

也神曰能

大師曰汝能不妄乎神曰我本正直焉能有妄乎大師

曰非為此也謂先後不合天心也神曰能大師曰汝能

不遭酒敗乎神曰力

一無力字

能大師曰如上是為佛戒也

又言以有心奉持而無心拘繫以有心為物而無心想

身如能是則先天地生不為精後天地死不為老跳身

為帝王不為崇高命子為輔相不為富貴

一無此十八字終日

變化而不為動畢竟

一作盡

寂默而不為休悟此則雖娶

非妻也雖嚮

一作鄉

非取也雖柄非權也雖作非故也雖

醉非愒也若能無心與萬物則羅欲不為淫福淫禍善

不為盜濫誤混疑

一作疑混

不為殺先後違天不為妄愒荒

顛倒不為醉是為

一作謂

無心也無心則無戒無戒則無

心無衆生則無我無我則無汝

十一字一作并無佛無衆生無汝及無我無汝

孰能

一作為

戒哉神又曰我神通亞佛大師曰汝神通十

句五能五不能佛神通

二字一作則

十句七能三不能神竦

然避席跪啓曰可得聞乎大師曰汝能拔

一作辰

上帝東

天行而西七曜乎神曰不能又一作師曰汝能奪地祇融

五岳而結四海乎神曰不能大師曰是為一作謂五不能

也佛能空一切相皆滅萬法一作成萬法智而不能即滅定業

佛能知羣有性窮億劫事而不能化導無緣佛能度無

量有情而不能盡衆生界英華無此十八字是為三不

能也定業亦不能一無此字宇久無緣亦謂一期衆生界本

無增減十三字英華作自然亦不能彌極恒一作亘無一人能主有法有

法無主是謂一作無無法無法有一作無主是為一作謂無心

如我悟

一作解

佛亦無神通也但能以無心通達一切法

爾岳神頓首作禮曰我誠淺昧未聞空義大師指我戒

我我當化矣

十字一作師所授戒我當奉行

更何業因何拘塵界

一無此八

字

一作今

願報慈德効我所能大師曰吾觀身無物觀

物

一作法

無常法窟

一無此二字

塊然更有何欲神曰師必命

我為世間事展我小神功使已發心初發心未發心不

信心必信心五等人目我神蹤知有佛有神有能有不

能有自然有非自然者也

一無此字

大師曰無為是無為是

神曰佛亦使神護法師寧隨叛佛耶須請告我

四字一作須隨

意垂

大師意不獲遂

三字一作不得已而

言曰東岳

一作巖

寺之障

也莽然無樹北岫有之而能

能字一作皆非

屏擁汝能神力移

北樹於東嶺乎神曰謹奉

已一作聞

命矣又陳我假昏夜風

雷擺搖震運

十二字一作然昏夜願聞必有喧動聞

師無駭即作禮辭去

大師門送且觀之見儀衛逶迤如王者象

象字一作之狀

又復

碧烟紅霞紫風皓氣錯散四遠

十四字一作嵐靄煙霞紛紜間錯

幢幡

鉞一作環

珮凌高寢空

四字一作空隱沒馬

其夕果有迅

一作暴

風

吼雷奔雲震電大壯棟宇岌業將圯定僧瞻動牙捉仆

叫

十八字一作棟宇  
搖動宿鳥聲喧

大師安

一作謂

衆曰無怖無怖神與

我相契矣啓

一作詰

旦和霽則北巖松檜

一作括

盡移東嶺

森然行植焉而

一無此字

大師謂其徒曰吾歿有塔我者有

碑我者無紀是事

十四字一作吾歿後  
無令外知若為口實

人將祆我也籌

得開元中喻陳二居士狀

一有將字

師之行因珙公請為影

堂記遂群而書之

此篇英華自結廬而下多脫誤今以景德傳燈錄

增入其異同注為一作

文苑英華卷八百二十一